

四庫明人文集叢刊

抑菴文集二

外三種

上海古籍出版社

四庫明人文集叢刊

抑菴文集

外三種

上海古籍出版社

本冊目次

抑菴文集	運甓漫稿	梧岡集	古廉文集	附錄
集(二)	稿	集	集	錄

明王直撰	明王積撰	明李昌祺撰	明唐文鳳撰	明李時勉撰	明李戴顯撰
編	編	撰	撰	撰	撰
一	四〇七	五二一	六五九	六五九	六五九

欽定四庫全書

集部

抑菴文後集卷二十四

詳校官編修臣裴謙

中書_臣劉源溥覆勘

總校官進士_臣楊懋珩

校對官原任典簿_臣郭祚熾

騰錄監生_臣連彭年

欽定四庫全書

抑菴文後集卷二十四

明 王直 撰

碑

行聖公孔公神道碑

公孔氏諱彥紹字朝紳其名與字皆仁宗皇帝所命也

我朝之治天下所以綏萬邦和兆民者不用他術惟宣

聖之道是用尊其道而及其子孫是以若是其厚也公

世家曲阜於宣聖為五十九世孫元嘉議太夫襲封行聖

欽定四庫全書

抑菴文後集
卷二十四

公累贈通奉大夫河南江北等處行中書省參知政事

護軍魯郡文肅公思晦公之五世祖也元中奉太夫襲

封行聖公國子祭酒克堅公之高祖也曾祖希學太父

訥父鑑俱襲封行聖公妣皆夫人公早孤母胡夫人教

育之天性孝友不妄言笑未嘗慢戲佚遊人有忤言不

與校或好言相媚悅亦不為異屹然端重如成人甫十

歲太宗皇帝召使襲爵觀其言動進退從容詳雅喜謂

侍臣曰真神明之裔也館之太學而禮待甚厚既歸日

取宣聖之書讀之而尤篤志於論語凡嘉言善行而所以修己治人者不少忘於心曲阜知縣公堂者公之季父也公於事無巨細皆咨決焉由是才識益高聞見益廣度量益寬而有容不可以毀譽動而亦無愛惡於人以為有長者風輕財重義出於自然親黨有吉凶事而禮不能備公為相成之孤女及時而未行者則備資裝相攸使有歸今監察御史張子初劉安順天尹王賢兵部侍郎王偉皆其所擇壻而人以為宜室宜家者凡其所行合於誼多類此是以上自朝廷公卿大夫以及士庶人皆敬愛公其人覲得乘傳班列文臣首洪熙中賜第於東安門北宣德正統以來禮之尤厚今皇帝視學特召公觀禮賜冠帶錦衣越三年來朝復賜三臺銀印玉帶衣織金麒麟文視一品皆異數也公受恩而歸即上表謝告宣聖廟而大會宗姻彰殊遇宴享未終得風疾而卒景泰乙亥十一月二十一日也距其生洪武辛巳三月十三日享年五十五計聞上深嗟悼命禮部

治喪工部為治墳塋而厚贈卹焉公配夏氏子曰承慶皆先卒側室江氏子曰承基郭氏子曰承澤牙氏子曰承源女三長適山東都指揮吳勛之長子越次適兗州護衛指揮鮑珣之長子克恭其一幼未行孫二弘緒弘泰公長子承慶既卒孫弘緒當立即驛召來京俾襲封行聖公而恩禮篤至所以錫賚者一不異於公昔時弘緒歸將奉葬于祖林先考墓次謂神道之碑宜有銘而以請於子予文何足以彰公之美哉然不可辭也乃為序次其事而系以銘俾刻焉銘曰

文教之興大聖以生天實相之復有孫曾自周以來綿綿其胄暨公之世五十又九於昭聖神煥乎文章日月有恒道德之光維我皇明實賴于治疏爵襲封列聖之制位秩之高章服之華厚德殊恩乃錫乃加公之俟俟克念舊武胡不百年以篤斯祜魯林之原封樹在焉雨露潤之鬱其蔥芊神道有碑負以龜趾刻我銘詩煥燿無已

贈戶部尚書王公神道碑

戶部尚書王君佐以內艱歸治喪來告且曰先考之卒
葬于海豐城西南隅祖墓之原今先妣即世將奉以祔
惟先考妣實有德善以佐之辱任使也得受封于朝先
考自吏科左給事中進戶部侍郎妣自孺人封淑人今
又蒙恩考加贈戶部尚書妣亦進為夫人按今四品以
上得立碑神道先考妣皆進秩二品矣若不能樹碑以
昭德述美則為不孝敢以碑文累子直泰文好故不辭
公諱朴字子素其先淮北新城人宋南渡始徙荆之臨

欽定四庫全書

柳文後集

四

安有元之時曾祖善源不仕祖權為臨安萬戶府百戶
主漕運又徙居武清之河西務父均謙以蔭得官而亦
以才自奮累陞至樞密副使洪武初放歸田里遂占籍
海豐亦以孫貴初贈戶部侍郎進尚書母楊氏濱州楊
總管之女自淑人加贈夫人公幼喜讀書長入太學從
張潞公受業博習經史而尤運於易洪武五年被薦舉
典教濱州其事親至孝副樞公嘗病熱思冰當暑未能
得遣人求之遠比至而絕公以為恨自是誓不飲冰後

公亦患熱疾勢危甚諸子以冰納公口中屢納屢吐之
少間曰吾為父故誓不飲冰爾輩乃拂吾情吾豈以殆
而變邪嘗被盜中創劫其貲直千金後東光獲盜官吏
多分取其財代任者知之召公驗實將窮究其事公往
視皆故物而亡者過半即自念曰吾向者被創不死為
幸已多財物固舍之矣今若道其實則取者皆得罪吾
豈忍隨所有受之取布十數匹而散其餘於親知里有
貧無以立死無以葬者皆資給焉其平生行誼類如此

欽定四庫全書

柳文後集

五

夫人靳氏薊州太守士文之女實與公同德凡公之所
欲為皆能相成之子既貴顯每以珍羞異物來獻必薦
享而後食若祿賜之餘亦以分給隣里之老者當時稱
夫人之賢而推本於公之化公生於元至正壬辰閏三
月一日卒於今宣德辛亥二月五日享年八十後十五
年為正統乙丑夫人以是年正月十九日卒距其生元
至正丙申正月四日享年九十子二人長即佐以材行
顯自吏科左給事中陞戶部侍郎尚書而父母與其榮

女二長適莒州知州胡璉次適杜瑛早卒以守節被旌

表孫男十五震闕女十一曾孫男九女八洪範五福以德

為之本觀公與夫人皆享高壽膺爵秩之崇子孫之多

且賢又如此可以見其德之厚矣樹碑神道以昭示方

來俾永永不朽豈非宜哉乃為序次其事而系以銘銘

曰

海豐之隅有墓渠渠誰其居之維公尚書尚書之先忠

厚世維迨于有元遂躋膺仕慶澤所鍾實篤生公學為

儒師髦俊攸從孝親之至備物盡禮一有弗備終慊乎

已寇盜致攘以及公身吏墨為姦公溥其仁死者有藏

貧者有養鄉邑之間澤流惠暢婉彼夫人能匹公休宜

室宜家君子好逑子也克賢天祿是供既以奉先亦以

濟衆內外具美寵命來宣錦誥煌煌龍翔鳳翥三加彌

尊府底于極眉壽隆祉實稱厥德同藏于斯既固既安

利爾子孫碩大且蕃宮碑義義峙列墓隧刻此銘章以

昭來世

欽定四庫全書

御卷文德集

六

兵部侍郎鄭公神道碑

正統九年二月兵部侍郎鄭公以風疾告歸上察其實

許焉既至家愈甚以五月五日終于正寢享年六十禮

部以聞詔遣官致祭命有司營葬事某年某月某日子

闕等奉葬于衢之西安縣闕鄉西壇社闕山之原

事既畢矣又思著其德於悠久乃來求子文刻諸墓隧

之碑予哀其志為序而銘之公諱辰字文樞世家西安

祖信之父仁德皆不仕以公貴皆贈工部侍郎妣皆贈

欽定四庫全書

御卷文德集

七

淑人公自幼喜學選為郡庠弟子員學成取永樂丙戌

進士勅遣歸進學以待用丁外艱哀毀逾禮戊子服除

觀政刑部鄉人有姓邵者坐事繫刑部以重貲託公為

求免公堅拒不納已丑拜監察御史惟以一力自隨居

室之中蕭然無長物曰趙清獻吾師也辛卯安福民與

人有怨誣以謀逆欲置之重典上命往察之具得誣狀

而民以不究乙未秋諸蕃之人寓福建有暴悍殺人者

事聞上意其叵測命往按之給衛卒五百備使令公至

察無他坐首惡者而釋其餘丙申人有言南京報恩寺受役囚徒有惡謗語公受命往驗之無實由是得釋者以萬計谷庶人謀不軌公察實以聞上曰是可謂耳目臣矣潞州人告官吏為已害既逮治矣復命公往按得其實多見宥免上知公忠實可大用戊戌秋起拜山西按察使獄有姑誣婦忤送者公察其實誣奏出之藩省有蘆藍不飭者糾治之好惡予奪必以公不以情庚子潞州盜發有司以叛聞詔遣大臣發兵往捕適公有事

欽定四庫全書

御奉文復集
卷二十四

八

在京師命亟還撫定之公曰民宜敢叛畏徭役而已請毋發兵遂深入山谷開喻之民見公來皆感泣願復為良民潞以無事辛丑朝廷轉粟赴山海以給軍禮部侍郎蔚綬總之山西民丁則統於公道遠民勞不能無通負蔚下令嚴督所司於山海算錢償之公曰山西民貧且悍急之則鳥獸散姑緩之使自為計卒不肯舉貸而所負亦漸完蔚雖怒公不如令然終以為愛民癸卯丁內艱丙午當起復山西軍民感公之德乞還之山西從

之未幾召為左侍郎乙卯今上即位勅遣之雲南四川貴州考察藩憲大臣而去其不職者人服其公正統丙辰人有建議於大名開河引其地諸水通衛河公以為非便徒勞民力奏罷之戊午遷兵部左侍郎已未同豐城侯李賢轉餉宣府大同而鎮守都督譚廣不聽令劾奏之事辦集癸亥春持節冊封鄭王長子為世子既還得風疾命太醫予善藥少差即出視事疾復作醫不能愈乃告歸卒馬娶江氏有婦道封淑人子男二曰

欽定四庫全書

御奉文復集
卷二十四

九

女三長嫁徐明餘幼未行孫一公天性寬平重義輕利恤人之患忘人之過初取進士歸人勸其與兄弟分產業不取悉以讓兄弟人有貸其大父白金百兩不能償者公憐其貧取故券焚之在山西時同僚有杜僉事者嘗與公不協及卒公為治喪妻子以艱險不能歸公適考績乃携至京師又為之經營俾得遂其處心之厚如此宜歷事四朝恩眷益厚蔚然為當世名臣是不可無紀也銘曰

有偉鄭公逢時之隆奮自儒科厥聲渢渢遂擢御史為天子使明目達聰以輔于理扶善植柔推姦擊強威行惠施春雨秋霜乃陟外臺允矣其傑乃貳列卿有勞有烈出入中外垂四十年榮始寵終式稱其賢穹碑義戮刻銘墓道哲人其歲後世永悼

布政使揭君神道碑

景泰元年八月二十七日聖天子萬機之暇端居穆清念羣臣之有勞績者皆本於祖考之善欲有以寵嘉之欽定四庫全書

御奉文後集卷二十四

十

吏部以廣西左布政使揭稽之治績聞詔用所居官封贈其祖考於是祖叔元贈正奉大夫正治鄉廣西左布政使妣劉氏贈夫人錫之諡命龍章鳳彩煜然照映於其家稽既拜賜即錄副告於墓下而修治墳塋皆如今明年朝京師乃具事狀詣直請曰有元之季干戈相尋廣昌下邑羣盜之所睥睨數俘畧境內人不得安其生我先祖正治公素以豪傑臨一邦邦人仰之至是謀舉義保鄉里盡散貨財募勇敢而人皆樂從乃正部伍嚴

號令激之以忠順申之以賞罰寇來則躬率以禦之倂人自為戰無不感奮一時烏合之衆所向輒破由是寇憚公才武為欽哉一邦之人得完其骨肉而無外憂者公之德也江西行省錄其功授廣昌縣尉公感恩圖報彌自激勵欲有以成功名然寇雖雖公而日夜惟公是圖冀大騁其欲寇首易姓者先示屈服遣人來曰我等小人無遠畧願得公為主受使令以共保一鄉足矣公有意撫納我乎公推誠待人不可疑人欺曰郭子儀輕騎見敵遂弭大惠况彼皆鄉人何不可即輕騎往其營諭以禍福衆唯然營外伏發公麾下從騎覺有變欲翼公以出且戰且行公馬蹶遂為賊所留公猶曉以逆順曰順則受福逆則受禍誅死我以忠義奮豈受爾逆賊汙耶賊猶欲以利誘公且以兵脅之公不從數大罵欲死賊知公終不屈曰彼豪傑人也我不可加以兵刃夜使人囊沙壓殺之復欲誘致其麾下亦不從遂雲徹烏散無一受汙者時至正十年庚寅也公年纔三十一賊

欽定四庫全書

御奉文後集卷二十四

十一

終敬之不良具棺衾禮葬於礐石若後稽之先考奉祖母劉夫人往舉柩歸美縣南之山寺今百餘年蒙褒贈之典榮名顯秩品在第二此聖朝莫大之恩非常之寵也稽敢湏臾忘報哉按官二品者於法得立碑神道惟公之德必載之文字刻之貞石庶幾可以不朽此子孫之責也敢以文為請自古忠義之士多奮不顧身蓋其心知有國而已事成則惠利在生民功業在國家身之利害不計也然天必陰佑之使其身受赫赫之名而子孫荷穰穰之福若公是也勒其事於碑豈徒以勵人心哉亦可以觀天道矣君四子芑芾稽董孫男五芑之子顓稽董之子也董以稽貴亦追贈如其官曾孫男七人玄孫男五人揭廣昌故家君自少喜學篤於孝弟厚於宗戚信於朋友而惠於鄉黨人倫日用之常皆不違乎道然不能以徧書唯致死以衛鄉邑報國家乃其事之大者故按狀備書之而系以銘銘曰

天之生賢俾為世用德則有恒忠義實重惟時捨讓民

欽定四庫全書

御集文後集
卷二十四

十三

弗寧居不有宏才誰聞厥謨侃侃揭君仗順而興衆心樂從霧消雲蒸師律有嚴人各用命寇非不多我以奇勝芒芒邑郭廬井相望孰敢來侵以取覆亡或剪其渠或摧其醜我民既安謂君父母鳳皇于飛胡乃就斂一失莫復愴矣其忤豪傑之爭靡所底定惟正是從厥有殊應君雖不延所存者長寵命自天丕顯其光子孫繩繩膺受帝祉德之不忘曷其有已縣南之原靈秀萃焉過者必式方伯之阡穹碑哉我樹之神道刻此銘詩太史所造

欽定四庫全書

御集文後集
卷二十四

十三

刑部右侍郎段公神道碑

嘉議大夫刑部右侍郎昆陵段公之卒也葬于武進祖塋之次其孤實宏安寧與其賓客親戚謀曰先人不幸棄諸孤而蒙賴於朝廷者甚厚既為治墳以葬矣其垂光侈美有錫奠之章褒德垂功有銘墓之辭足以貴飾於地下然列官三品得樹碑神道若又顯詩之以示後豈不益明著而永永不朽衆皆曰然於是實來北京請

予人以銳諸石予與公文好三十年誼不可辭段氏居
毘陵世有隱德儲休累祉而始發於公公諱民宇時舉
自少好學勤勵夙夜不厭永樂初以詩經取進士太宗
文皇帝稽古右文選入翰林為庶吉士俾盡讀中秘書
學古為文辭期必至於古人而後止與者二十八人公
感激奮勵務欲稱上意凡一時述作所以頌聖德而美
神功者衆皆讓公以為能久之擢刑部主事公治獄平
恕務得其情不苟為輕重時上矜念獄囚應有所誣枉
凡鞠獄者今躬自奏陳稍有未至必獲重譴而公所治
無異詞由是日益有名遂陞員外郎又陞郎中凡囚隸
刑部皆以遇段郎中為幸其他獄難決者多咨決於公
自尚書以下皆罷重之凡諸司所讞議當上聞悉命公
審閱其牘多所駁正公若未閱不以上也當時刑部決
獄號為平山東妖賊作亂藩憲大臣以弛縱伏辜擢公
為山東參政同受任者或不樂公曰亂之作必有其漸
不能早覺而圖之則安可避罪前車覆後車戒惟在慎

之而已至則奉揚天子德意扶吏弊振民隱使人人各
安其業毋自陷於邪僻前之所行有不便者皆釐正以
便民人大悅服宣德三年諸部缺侍郎詔羣臣察舉首
薦公即命往南京戶部署其職其屬皆憚之或謂公當
如何公至則曰諸公宜各修職事求其當而已矣無以
異為也其下服公之教無懈弛廢事者實授戶部右侍
郎遷刑部刑部素號不治公語其衆曰人不能無過而
貴於改過改過君子之德也並開誠心布公道以敬慎
率之政用修舉獄有富平反者衆或難之公獨身任焉
在刑部五年其決獄多矣無一人稱冤者蓋其天資仁
厚而操履端重遇事必折於理不苟止妄隨初湖廣有
黥吏得罪在京師恨憲臣之治已者過而侮辱之事聞
以屬刑部公為郎中當問或謂曰小人肆惡無忌憚不
痛治以懲後憲臣將不可復按事矣公唯唯而去明日
問之則曰吾已答二十矣或詆其無威公笑曰彼皆引
服國有正法何必以私怒加楚毒邪其所行大率類此

舉之以舉其餘公之學正而明嘗預修永樂大典四書五經性理大全諸書皆被厚賜及同考禮部會試士人尤服其公文學政事蓋少有及者宣德九年二月忽得疾數日稍愈出視事或止之曰不可以風公曰繫獄者千百人皆待我決遣我何忍自安出三日而疾復作醫不能愈越七日大漸則泣曰吾死不惜如吾母何又曰吾受朝廷厚恩今死無以報其負愧多矣言訖而卒是月二十九日也凡諸官屬皆奔走會哭曰安得復有公

致其愛敬無故未嘗去左右母之心懼焉君子謂其孝於凡官事必盡其心不以小大易意君子謂其忠平生不殖貨財俸祿之外非義不取官雖顯而無以資其後人君子謂其廉此其始終大節也乃為序次而系以詩

詩曰

維天生才邦國以寧維茲段公實世之英遭時奮身勵志古學於繁其文帝命是若至治之興輔之以刑刑有不平戾于邦經秋官之屬以公來服維明維允刑以不贖極垣言言在山之東弗靖于民與此寇戎詔用公往以安以養惠綏撫摩皇德用暢乃陟亞卿乃旋于京邦賦以正邦禁以明有煜其譽孚于上下匪人是私維賢之故公之所存爵為良臣既厚于君亦篤于親祇事三聖踰三十載恩則孔多臣亦匪懈於家則孝於國則忠吏畏其廉人服其公彼蒼邈悠美祿有艾逝川莫回君子之慨我義新阡樹碑在馬刻文垂休何千百年

贈左副都御史寇公神道碑

景泰二年六月聖天子嘉念羣臣之有勞績者皆本於祖考之慶詔有司舉封贈之典以寵之於是都察院左副都御史寇深文淵之祖彥和甫得贈嘉議大夫都察院左副都御史祖妣宋氏贈淑人父禮初封刑部主事至是亦贈左副都御史階嘉議大夫妣李氏封太淑人皆錫之詰命龍章鳳彩煜然輝映於其家而文淵乃奉勅往視師遼東以擯外安內為事既遣子秋焚黃以告墓下矣今暫得請還京師而太淑人卒文淵哀子道

欽定四庫全書

御製文集

卷八

之未盡也奏疏乞終制上聞之命禮部賜祭工部為治墳塋而奪情起視事疏再進不許乃與弟澄源等奉太淑人柩于先考之墓矣則又謀曰惟吾祖考實有令德以啟佑後人茲幸蒙天子寵命列官于朝追榮二代皆三品恩至厚矣於法得立碑神道今四親墓同兆若敘述其德為銘詩刻諸墓道以昭示悠久為子孫者亦有所觀法而思紹續焉於理其可乃命子某奉狀謁予以請文子不得辭按狀冠以官為氏周司寇蘇念生之後

世家大同之渾源州為鉅族有元之時以官業顯受寵於世祖卜居宣寧黑虎鎮之乾河里凡五千餘指不雜他姓因名所居曰寇家堡後有諱廣者為某提舉卒於官則彥和甫之考也元季之亂族屬離散譜牒亡逸先世遺像皆失之國朝受命海宇寧謐而彥和甫復從保定唐縣之連順莊恃本尚實好善樂義其待人接物一以誠而言行必據於理見人之善則親愛之其或有失則諄諄誨諭使復於善乃已嘗念先世以貴富臨一鄉

欽定四庫全書

御製文集

卷九

今文獻不足莫可質究而抱戚於無窮有金吾衛指揮寇彥忠慕乾河家世之舊欲援為昆季以水木本源之盛不可容偽妄不之許君子以是高之生元至治壬戌而卒於洪武丙子年七十六配宋氏婦德母儀為宗族楷法生元統甲戌卒於宣德丁未年九十五子禮則文淵之考也惇厚宏達謹義方之訓事父母盡誠敬愉色婉容左右承順親之心惟焉視人猶已樂以餘財振人急而施之無難色居雖適城市然無事不一至焉若

貢賦惟正之供則未嘗後曰此吾為天民者之道也吾求無愧於心焉耳生元至正壬寅卒於正統丙辰年七十六臨終戒諸子使語深盡忠報國無一語及他配李氏端重柔惠實宜其家事姑宋尤孝謹先是姑有目疾每旦盥漱躬舐之目為復明嘗值歲凶囊無餘粟至剪髮易粟者粥以奉姑人莫不稱其孝生元至正癸卯卒於今景泰丙子年九十四而皆葬唐縣連頤莊西岡之原葬之時日則各有志於墓者予聞君子之孝於親必

欽定四庫全書

卷二十四

柳集文後集

二十

思顯其德揚其名於後世而立身行道其本也文淵當聖明之時任風紀之重其道盛行而名益著天子既寵嘉之又褒錫其祖考此莫大之恩也作為文章勒之貞石使先德永不朽豈非孝之大者哉故為序述其行而系以詩俾刻焉詩曰

司冠華閭耀西陲再選擇勝蹟愈奇柏臺持憲當聖時高風直道固不宜丕張皇武服遠夷世澤衍溢蘭帝思推恩錫爵加寵綰閨門雍肅亦有儀婉德儷美流音徽

煌煌詰命日月垂山川草木生華滋穹碑深刻太史辭蓋以天祿負以龜子孫相繼永保之後千百年終不隳

禮部尚書蕭公神道碑

泰和蕭氏文獻故家也蓋齊宗室西昌侯叔謀之後代有顯者宋盛時景純為殿中侍御史森擢進士第為言官忤權貴左遷衡山丞至公之高祖靜安遂不仕曾祖父平仕宋典書記沒于崖山祖正固先生國初以賢良徵上書言十便授潭王府長史懇辭為平涼府學訓導

欽定四庫全書

卷二十四

柳集文後集

二十一

老子家又以考校經書召事畢而歸公之尊府用道繼起為靖江王府長史以公聰悟絕人最鍾愛之遣入邑庠受學于任御史敬敏曾學士鶴齡讀書求道明體以致用朋輩皆推讓之遂取進士擢南京吏部主事時宗人府幕僚及太醫院皆缺官五品印章無繫屬皆以屬公公從容詳推無毫髮漏失人謂其小試已不懈如此則其大受可知也在文選滿三載得推恩父母如其官家宰黃公喜其廉謹欲薦為郎中公曰吾父母妻室受

恩已幸矣復何敢躁進迨九年陞郎中贈亦如之以刑部金尚書薦陞雲南按察副使時雲南多寇竊重戎沐公言於朝專命公撫治公悉心殫慮務察實情事有小大無不得宜者人自謂不冤雲南土官多女婦有事赴京混然無別公奏請於藩憲援文申部從之有司臯隸給官薪炭利數倍俸給民苦之公廉得實即下令減所部三之二貪者以為病而預役者皆鼓舞之景泰庚午朝覲歸道陞雲南右布政使既而遭內艱治喪之外不妄與人接服闋驛召赴湖廣領舊職時苗蠻叛官軍征討費皆取於民因大擾公悉出帑藏餘積為用公私皆稱焉陞左布政使當造舡數百艘公以官積木常有餘言之工部取為用自是造舡輒舉為例民不知勞費而事集天順四年來朝有旨選才行卓異者十大宴於禮部賜金織綺衣一襲鈔千貫辭歸至楊村驛特賜勅曰朕以爾才行老成別有委任勅至爾即馳驛赴京毋得稽遲比至親推為禮部尚書所以勞勉甚至已而

上念南京宗廟所在而禮部典禮之必得其人命公往焉久之詎意抱病而醫不效五年五月五日卒於官上深悼惜不已命禮部賜祭工部為治墳塋公性孝友事父母極孝敬三兄蚤卒事寡嫂無違禮撫諸子姪仁而均存心坦厚遇事一以誠公勤廉謹人無間言者生洪武丙子十二月十六日享年六十有六妻夫人劉氏有淑行子三人憲景選景邑庠弟子員女二人皆適仕族孫男八人孫女五人曾孫女二人至是景自京奉柩歸凡知公皆弔哭盡哀以明年正月十一日奉葬於五十都石頭山之原乙山辛向時予致仕老病不能文公之家乃以神道碑為請謂有世好不可辭乃勉述其事為銘俾刻焉銘曰維齊之支顯于前世宋建隆間厥聲相繼執法殿中君子之風阮于衡山淪于海邦建義正固乘時復起為賢師儒為名長史詩書相傳世業在焉維公承之鵬搏鳳翥翔于郎曹儀于憲府天子曰都子惟用爾遂陟藩翰

遂陞春卿二品之貴禮樂之英寵渥沛施有隆弗替天胡不然乃嘯衆志繫天何時復生此才我作銘詩以寓我哀

副都御史林公神道碑

天順乙卯春皇上嘉念廷臣之有勞烈者皆本於其親之教故克有成績命加封贈以寵之於是都察院右副都御史林聰得加贈其父觀為嘉議大夫都察院右副都御史妣倪先卒贈淑人陳進封太淑人皆錫之誥命

欽定四庫全書

御書文選集

卷一百一十二

五十四

聰既拜賜復自念曰先考之德及于孫厚矣而子孫未有報蓋方其不幸時適隣境寇亂葬弗克如禮故墓文尚未立將何以昭德垂遠今幸蒙大恩贈官三品得樹碑神道於此尚可緩手乃具書幣不遠數千里以屬予子老病久廢業然念舊故不可辭乃按狀序而銘之公姓林氏諱觀字善甫福州寧德人高祖起莘生五七公五七公生德揚德揚生彥昭彥昭娶鄉先生王逢吉女而生公父母皆聰明有賢行生子克肖最愛之洪武庚

申詔求賢凡聰明正直可任者悉以幣聘彥昭與馬將行謂王氏曰是兒不凡必亢吾宗宜善教之彥昭至京授真定平山丞未幾卒家貧無依母篤意教之子亦銳志於學遂為邑庠弟子員其學日有造就洪武癸酉以詩經領鄉薦得程鄉教諭嚴條約以教諸生程鄉有守禦千戶所其豪惡裨校常以索私債來學館辱諸生撓教事莫敢誰何公至則毅然與抗折之以理自是不敢復肆而教以成歲已卯上便宜六事徵赴京將進用以

欽定四庫全書

御書文選集

卷一百一十二

五十四

母老乞歸養許之里有田淪于海民不得耕而里甲代輸稅公言於縣請除之縣不能用俄有詔蠲除縣大慙服永樂乙酉公以例復起教諭江西之永豐尋復以憂去居喪一以朱子家禮不用浮屠戊子服闋調餘姚教諭修大成殿飾聖賢像貌制祭罷考滿赴京師命往徐州督捕蝗比還當得教授願仍舊復調玉山洪熙改元朝京師奉勅獎勵宣德己酉以玉山秩滿左遷江山訓導然公懷懷教事不少懈乎初乙卯以年老致事歸

公正直剛毅風度凝遠學問該博而文詞雄整爲契誼
人有過必面斥其非苟能改即已蓋望之凜然而卽之
溫溫其事親孝交友信其待人和以厚五色諸生受教
者數百人皆誠心直道相親愛不嫌姻苟且以相悅故
久而益親學成而仕者多矣往往皆有名無愧於公之
弟子公生於元至正丁未五月十三日終於正統癸亥
十二月二十二日享年七十七平生著述有學稿兼若
千卷藏于家葬其邑利嶠上阪山之原以初配倪氏合

欽定四庫全書

御製文選卷
卷二十四

五

葬而太淑人陳氏慈惠順祥克享盛福子孫賴之至是
年八十六而終官爲治墳拊葬三輿之原公墓次二里
許公有子五人公志公懋公懋皆倪出公懋聰皆陳出
聰令爲臺副得封贈者也孫男十有八曾孫男七觀公
之德修於身儀於家而孚於鄉黨州閭誠足以用世勵
俗而低徊下位未嘗有不遇之歎非所謂宜弟君子求
福不回者歟且有賢配同德儷美以光大其家而子孫
能繼述是以終受榮命三品之封赫赫驚人龍文鳳章

輝映存沒此天道之應也樹碑神道而併著之豈非宜
哉惜予文之鄙不足以稱孝子令孫顯親之意也銘曰
林氏之先實爲名宗詩書相傳駿聲風韻縣公而來益
遠且大學校之教有謹無怠謹以自治亦以治人程鄉
惲頑美政弗馴民事之乖海水之暴肫肫爲仁懇懇爲
孝永豐餘姚多士樂從式克繕修各底有功政教之施
四十餘載德行文章晝望斯在天之報公祿位渚加三
品之貴大振厥華懿彼淑人克配令德同歲於斯卜此
宅宅聖恩煒煌有封若堂刻銘墓碑百世之光

欽定四庫全書

御製文選卷
卷二十四

五

刑部尚書劉公神道碑

公劉氏諱廣衡字克平其先祥符人宋季有功甫者爲
萬安縣丞民悅之世亂子孫因家邑西之橫街爲仕族
曾祖仁一祖昭年父俊英皆不仕而皆以德誼重鄉里
公少遭家難失怙恃而與兄廣泰皆聰敏有美才巍然
思樹立長從翰林宋檢討琮受易經遂取永樂甲辰進
士詔歸卒業于家益肆力學問鄉邑爲士者爭師之宣